

**Curs de formaziun sura la fede** "La löm dla vita - Pó la fede diventé la löm por ilominé nosta esistenza y nosta vita?" Padre Giuseppe s'acompaneia söle tru de nosta fede y se mostra la beleza dal Vangelo de Gejú co pó trasformé la vita y la fá gní plü bela, ligra y lominosa. L'encuntada sará en vendres ai 28 d'aorí dales 9 ales 12 y dales 14 ales 18 y en sabeda ai 29 d'aorí dales 9 ales 12, te calogna a La Ila. Le curs ven stlüt jô con na Santa Messa. Enformaziuns y iscriziuns pa Ingrid, ☎ 331 8565697.

**Grup Atmosfera:** en jöbia ai 27 d'aorí s'encunta endô le grup de tomp lede Atmosfera por eres y ei atochés da problems psychics adöm a Irina Tavella y Barbara Rungger. En cösc iade fajarunse na jita tal urt dles erbes y ciöfs dla distilaria Bergila a Issing dlungia Falzes. Do na spazirada con spiligaziuns y conseis sora erbes y plantes co an pó adoré ince a ciasa, sarál la poscibilité da fá n wellness de 5 minuc te na stöa de cir con rames de barantli. La manifestaziun é debann mo i se periu da se prenoté, ☎ 0474 524552. Enformaziuns plü monüdes pa Sabine Rainer, ☎ 0474 524519.

**Raiun sozial:** referat "Suizid – S'an jí zonza tó comié" en lönesc ai 24 d'aorí ales 19:30 a Picolin, organisé dal Raiun Sozial y dl'Assoziaziun Lichtung. Na serada por ascuté, ponsé y baié empara, chirinn adöm trus sön co afronté la situaziun, cun esperc desco Ruth Warger, psicologa por caji de emergenza, Annemarie Tasser, psichiatra y le per Schullian, geniturs atochés co dará na testimonianza de söa esperionza cun so möt.

**Zenter Families Mareo:** le ZFM met da jí ai 4 y ai 18 de ma dales 10:00 ales 11:00 n curs da fá massaji ai pici mituns da 6 edemes a 6 mensc. Al gnarál mostré la basa por n massaje co vá bun por renforzé la relaziun y comunicaziun con i pici mituns, da tó ca desco picio ritual o aiüt por les coliches. Enformaziuns y prenotaziuns pa Sofia, ☎ 338 7173577.

**ASC Mareo:** düc i soci, sogadús, geniturs y simpatisanc dal ASC Mareo é der bel enviés ala riuniun generala ordinara dal ASC Mareo en jöbia, ai 27 d'aorí ales 19:30 en pröma convocaziun y ales 20:00 en secunda convocaziun tal salf dla Cassa Raiffeisen d'Al Plan.

**Mostra:** la Ciasa dal Parch natural Fanes-Senes-Braies envieia en vendres, ai 28 d'aorí, ales 20:00 ala inauguraziun dla mostra "Le cerf" y al referat "Vagabondi delle Alpi - mobilità e migrazioni stagionali del cervo" de Luca Pedrotti, co á coordiné les enrescides sora le cerf tal Parch Nazional Stelvio/Stilfser Joch.

**Paurs:** en dedemesaledema ai 26 d'aorí ales 20:00 él tla ostaria Gran Ciasa a La Pli la sontada dla Enteressonza de Fanes. Düc chi co met i tiers a munt sön Fanes é bel enviés da tó pert.

**Döt le bun a:** y a düc chi co á santennom y compless i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



## Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 MHz

UNITÉ PASTORALA



Ann A

23.04.2017 - Secunda domegna de Pasca  
Domegna bianca - Domegna dla misericordia de Chelbeldio

n. 22

## Odei con i edli dla fede

☞ St.Ap 2, 42–47 | 1 Pire 1, 3–9 | Jan 20, 19–31

### Dal Vangelo do San Jan:

[...] <sup>26</sup>Otedé do ea sü discepui endô abinés adöm, y Tomesc ea lapró. Danló é gnü Gejú – les portes ea stlütés pro – é jü amesa ei ete y á dit: Pêsc a os! <sup>27</sup>Spo ti ál dit a Tomesc: Ten ca to deit – atló é mies mans! Ten ca töa man y metela te mio costá, y ne sté a ester descredent, mo credent! <sup>28</sup>Tomesc ti á respognü: Mio Signur y mio Dio! <sup>29</sup>Gejú ti á dit: Deache te m'as odü, creieste. Beac é chi co ne veiga nia y crei empó. <sup>30</sup>Ciamó trec d'atri segns, co n'é nia scric sö te cösc liber, él sté Gejú co á fat dan dai edli de sü discepui. <sup>31</sup>Mo chisc é gnüs scric sö ch'i cherdeise che Crist é le Messia, le Fi de Dio, y ch'i eise, tres la fede, la vita te so ennom.

### I ponsun do

*Tomesc crei a ci co é da odei, y nos fajun solitamonter ince ensciö. Da el endere messunse emparé che la fede ne pó nia s'architè pa ci ch'an veiga. Le monn vir dles porsones, co ne se ten nia ma a ci co é da odei, mo descür endluch la potenza de Chelbeldio. La odlada sön la parora y les operes de Gejú y sön söa maniera "persuasiva" adöm ala sügherte da podei se fidé dai pröms testimoni se deida odei tan de fostüs de Chelbeldio tles porsones y tla creaziun. I sontiu che Chelbeldio arvenn nosta vita, i odun ete che la creaziun é na söa scincunda por nos y i ciafun enló tan trep co se lieia a d'atres porsones.*


### I periu

*Beldio, pordonn y pêsc é les gran scincundes de Gejú rosserí a sü discepui. Scínchesse ince a nos la fede che le Signur vir y opereia amesa nos. Por Crist, nosc Signur.*

Wilhelm Egger "Sonntagsbibel"

☞ Letöres dla Terza domegna de Pasca:

St.Ap 2, 14.22–23 | 1 Pire 1, 17–21 | Jan 21, 1–19



«Mio Signur y mio Dio!»  
(Jan 20,28)

**Edema liturgica dai 23.04. ai 30.04.2017**

<b>DOM 23.</b>	<b>Secunda domegna de Pasca</b> <b>Domegna blancia</b> <b>Domegna dla divina misericordia</b>	<i>lorz (patron da Pliscia), Georg, Adalbert, Fortunato</i>
<b>08:30</b>	<b>gran messa</b> por dōta la ploania → <i>oferta por le fonds de solidarieté por le clerus</i>	
<b>15:30</b>	<i>a Pliscia s.m.</i> en onú de San lorz por la fam. de Berto y Patrizia Kastlunger	♪ <i>grup de musicontri</i>
10:00	<i>s.m. a Al Plan</i>	
<b>Lön 24.</b>	<i>Fidelis da Sigmaringen, Wilfried, Theodor</i>	
07:30	<i>s.m. a Al Plan</i>	
<b>Ded 25.</b>	<b>fešta de San Merch evangelist</b> , Hermann, Franca, Erwin	
<b>07:30</b>	<b>s.m.</b> por + signor Merch Graffonara, ploan <b>s.m.</b> por + Heinrich Erlacher, Tomele	
<b>Dem 26.</b>	<b>Maria dal Bun Consei</b> , Maria Consuelo, Cleto, Helene	
▶ <b>19:30</b>	<b>zelebrazion dal Parora de Dio</b>	
<b>Jöb 27.</b>	<i>Pire Canisius, Zita</i>	
<b>19:30</b>	<b>s.m.</b> por +ti Berta y Siegfried Frontull, Janin <b>s.m.</b> en onú de Santa Maria y dai Angeli Custodi por les fam. Jep, Walter y Robert Willeit, Soratrú	
<b>Ven 28.</b>	<i>Pire Chanel, Ludwig Maria Grignon de Montfort</i>	
07:10	<i>s.m. a Al Plan</i>	
<b>Sab 29.</b>	<b>Gran Festa dai Patronns diozejagn Ciascian y Vigile</b> <i>Catarina da Siena (patrona d'Europa), Roswita, Robert</i>	
<b>07:30</b>	<b>s.m.</b> por fam. Erlacher, Cargá <b>s.m.</b> por n caro defunt <b>s.m.</b> por + Maria Regina Ellecosta, Stifler	
<b>DOM 30.</b>	<b>Terza domegna de Pasca</b> <b>Domegna de San Ciascian y San Vigile</b>	<i>Pio V., Hildegard, Rosamunde, Bernhard</i>
<b>08:30</b>	<b>gran messa</b> por dōta la ploania <i>oferta por l'Università catolica de Milan</i>	
10:00	<i>s.m. a Al Plan</i>	

*ampola:* por la pesc y de ringraziament

*ministronc:* ▶ da doman y domegna: Natalie Comploi y Angela Santolini  
▶ da sera y domegna: Denis Trebo y Stefan Taibon

*i recordun:* Lois Taibon, Corvara + 27.04.2009  
Maria Regina Ellecosta + 29.04.2008



**Regina dal Ci** (Anmaries dal tomp de Pasca)

Regina dal Ci, ralegreiete, alleluia!  
Ciodi che chel che t'as albü le mirit da porté, alleluia,  
é rosserí, desch'al á dit, alleluia.  
Preia por nos Chel Bel Dio, alleluia!  
God y relagreiete, oh vergine Maria, alleluia!  
Ciodi che le Signur é veramonter rosserí, alleluia.  
Periun! Oh Dio, con la ressozeziun de to Fi, nosc Signur Gejú Crist, aste ralegré le monn; i te periun ch'i podunse por sōa oma, la vergine Maria, arjunje les ligrezes dla vita eterna. Por Gejú Crist, nosc Signur. Amen



**"Domegna dal Divina Misericordia"**

*Al va debojügn ch'i contemplunse entrês da nō le mister dla misericordia. Ara é fontana de ligreza, de serenité y de pêsc. Ara é condiziun por nosta salveza. Misericordia: é la parora co reveleia le mister dla SS. Trinité. Misericordia: é l'ultima y plü alta aziun con chera che Chelbeldio nes ven adancuntra. Misericordia: é la lege fundamentala co abiteia tal cōr de vigne porsona canch'ara ti ciara con edli sonziers al fre y ala so che ara encunta sōn le tru dla vita. Misericordia: é le tru co condüj adōm Dio y la porsona, deache ara daür le cōr ala speranza da ester amés por dagnora con dōtes nostes mancianzes a gauja dal picé.*

Papa Francesco **"Misericordiae vultus"**

**La pordica dla munt cuntada ai mituns (12)**



**Dla creta tal perié**

Geju ti ciarâ a che jont co ea romagnüda demorveia por sōes parores. Al odea ch'ai ponsâ do a ci ch'al â dit. Al orea porchel ti fá coraji y â dit: Sc'i perieis le Pere sō al Ci do val', podeise ester sogüsc ch'al s'ascuta sō. Sc'i tlochereis pa na porta, se gnarâl daurí. Sc'i chiríis val', danló le ciafareise.

Degün pere ne ti dá na pera a n so möt co damana do n to' de pan. Y degüna oma ne ti dá na bisca a n möt co oress en pesc. Ince belo atló sōn la tera é i geniturs da oreibun con sü mituns; nosc Pere sō al Ci endere é tan bun ch'al se dará tre' deplü de ci ch'i s'enmaginun.



**Vita de ploania y de paisc**

- **Iolan y Dio s'al páii dl'oferta de Carsema: 4.738,17 €**
- **Iolan dles ofertes en recort de + Kehrer Maria Vollmann.** Por santes messes: familia dla defunta. Por la dljia: familiars dla defunta, Scora dai Schi Al Plan, Richard y Rosa Piazza, fam. Kehrer/Framacia, Stachio Erlacher, fam. Cone da Val, Oliva Ellecosta, fam. Giovanni Complojer, dipendenc Skiarea Miara. Por la dljia d'Al Plan: Stefan y Marta Mair.